

se convenientes, ac contrahentes viri ac foeminae, neque hoc parentibus permittant, quod Sinæ putant indecorum.

Montes.

Hungyai mons prope Muyo altissimus, atque ad spectu horridus est.

Ibidem collis est Lungcing, totus Indicis virens arundinibus.

Tinging montem habet vicinum Quanso, qui centum occupat stadia, in eo castrum est ad itineris custodiam.

Tertia Civitas

CHINNING.

Regit Chinning civitas duo munimenta, Kangco nimirum, & Xeul.

Monticolæ hujus regionis, qui Sinis non parent, auro argentoque abundant, at non, qui illa possidet, ab illis aestimatur dives; sed qui plures habet vaccas, ac boves; nec pro dote aliud ab illis petitur.

Montes.

Magan mons prope Xeul, ab ephippii figura Magan dicitur, quæ vox equi ephippium sonat.

Est etiam memorandus fons Caici, ad ortivam civitatis partem, cujus aqua frigidissima est, licet circumvicina terra tota ab igne subterraneo incalescat.

Quarta Civitas

GANXVN.

Hujus civitatis, uti & superiorum tractus olim ad dynastiam Hoangfo pertinuisse scribitur. Juena familia civitatem condidit, & Junnan Provinciæ accensuit, Taiminga familia huic subjecit provinciæ: tres hic Sinæ recensent pontes; è quibus duos Juena condidit familia, primus ad ortum civitatis est, alter ad occasum; tertius Tienfeng, hoc est naturalis, vocatur, supra mille perticas extenditur, ac civitatis ambit moenia, sub eo aqua defluit, atque ita ab utroque latere excavata via est, ut pontis arcus imitetur. Regit civitas munimenta duo, 1 Ningco, 2 Sipeo.

Montes.

Nullum hic reperio præter montem Niencung, ad ortum civitatis, qui altissimus est, cum tamen decem tantum stadia occupet.

URBES MILITARE S.

Prima

PVTING.

Puting militaris urbs sola sui juris est, ab Juena familia fuit fundata, jacet in ipso itinere, quo itur ad Sinas, ab iisque custoditur: olim hic habitasse volunt gentem Lotien dictam: montium incolæ Boream versus inculti hic sunt, nec litterarum, aut legum curam ullam habent, aut aestimationem; quilibet, quod lubet, agit, adeoque moribus sunt agrestibus plane, atque incultis.

Ad Barrolybicum est Ki mons altissimus, *Montes.* ac difficillimus.

Ad ortum mons Magan.

Est & amœnus fons ad urbis Notapeliotem, cujus aqua ad potum, seu vinum Sinenfe ex oryza conficiendum, suavissima esse dicitur.

Secunda Urbs militaris

SINTIEN.

Habet hæc militaris urbs sub se munimenta quatuor: 1 Pingfa, 2 Paping, 3 Cheuping, 4 Cheuing. Montanorum hujus regionis mores ab aliis vix discrepant; illud habent singulare, quod mortuo patre, aut matre valde doleant, ac in signum doloris capillos omnes abscindant.

Ad partem Australem Sintien urbis est *Montes.* mons Pie altissimus, supra ipsas nubes ascendens, acutissimum unum verticem ad modum pyramidis attollit, inde Pie vocatur, quod penicillum sonat quo Sinæ scribunt.

Yang Pao mons ad urbis Borealem partem pulcherrimus esse scribitur, & quia mira colorum varietate præditus est, picturam quodammodo repræsentat. Çaimiao mons est ad Barrapeliotem, ex quo aqua decedit, quæ ad Solis repercussionem iridem continuam efformat.

Ad Barrapeliotem urbis amœnus aquæ fons est, Fi dictus.

Tertia Urbs

PINGYVE.

Hujus urbis territorium sub Cinâ familia in Kiuchung dynastia fuit, nunc regit duo munimenta: 1 Yangy, 2 Lo-

Qq

ping.